

鷺峯林學士詩集

九十二之四

滿

太政官文庫		
和	三	三
書	二	二
門	〇	四
	四	三
	一	〇
	五	五
	冊	架
	函	號
	類	

內閣文庫		
和	三	三
書	二	二
	〇	四
	四	三
	一	〇
	五	五
	冊	架
	函	號
	類	

405
閣

內閣文庫	
番號	和 32045
冊數	195 (94)
函號	205 160

共百〇五



商
605

我鳥峰先生林學士詩集卷第九十二

東明集七 寬文十一年九月至
同年十二月



直民頃間一覽先考涉獵集一百卷了作絕句
述其事善其精勤次韻示之

漁人日涉百川間獵者逐禽山又山人各有勤餘力

學書車運轉牽間關 時考小雅車聲詩得間關字
為韻押故間字不嫌重出

九月十三夜會藤勿齋分儒門詠月二十韻余賦

四首

濂溪巖月

我鳥峰詩集 卷九十二

溪畔吟遊無極翁霽光自向洞門通胸襟太極渾然
理散作圓相巖穴中極字不換重出

程子弄月

年少尋師濂水遊詠歸自與浴沂侔到頭有月人皆
弄見得斯中大意不

橫渠齋月

坐來看月感天誠回首齋中處處明收拾容光千里
影先生庸玉汝於成

康節梧月

斯人斯月德何孤人在窩中月在梧枝上來儀栖鳳
影堯夫安樂一唐虞

清涼窩秋雨十題分賦其二

秋雨採菊

秋雲漠漠蝶車回于米殘花數朵開金盞銀臺露如
酒白衣不至赤松來

秋雨欹枕

元是遊仙非所求空階滴滴送殘秋生涯五十餘年
事一兩眠醒一枕頭

題松平備前守源隆綱所藏之畫軸後

噴吭歛澀又人倫維草維花翼角鱗一覽卷中窮物
色宛然墨妙悉傳神

寄題茶店 四言

小爐燒葉喫一椀茶拂拭塵芥迎送雲霞不求榮富
不願繁華生涯之樂此外何加

寄題幽境 四言

一間茅店望中景幽靈社臨海層浪浮舟寺唱梵唄
聞野謳主人之樂陶陶悠悠

代保田若狹守賀鈴木長頼新宅

經營功就特新奇相喜相酬客主危棟宇楹椽一家
備子傳其事父安基

郭外長林 諷訪因幡守八景之一

鬱鬱葱葱郭外間青望顧誕好怡顏森羅萬木望遙
碧疑是武州初有山

風露館 同人八境之一

風入閑窓夕照移林含餘滴露華滋新涼乍至簾先
動宿雨始收珠自垂

辛亥孟冬二日之夜點世說全部畢作一絕與仲龍為其執筆之證

劉曹司馬易三世說作一書傳廣單八卷行行字旁訓筆端露滴亦清談

石豫逍遙品川米芹并鮓贈之側體一首附其使遣之

品川流采一掬芹淡味却是輕其旨石決明比淮夷琛併呈州學歌泮水

送郵允廸歸京師

客舍瞻望五色萊故園歸見一枝梅東遊自是追家例士嶺將迎幾往來

藤房贊

立朝守職最精勤掌險攀躋笠置軍亂則從難潛步步治而獻諫懇云云男山奉幣眼前見獻獻蒙塵耳外聞辭去黃門榮達路白雲高臥不忝君

菊影讀書 十月五日田植合

叢菊添明眼尚青影如星彩換囊螢籬邊露滴清談玉前有少陵後大經

周元公贊

濂水望花沂泗濱發明道學繼芳塵誰知太極本無極秦漢以來唯一人

程純公贊

父識其師師育才吟風弄月幾徘徊一團和氣人如玉坐有春兮色有梅

程正公贊

儒教浩然伊洛源遺書開奧聖人言義文周孔卦爻翼併到正公渾合論右三幅一對長谷川氏求贊

幄中張良圖贊

長谷川氏求之

圯上曾逢黃石公傳來一卷坐帷中被堅執銳非吾事方寸籌成千里功

十月七日會晉軒賦本朝詠菊五十題余得其六

嗟峨祥菊

見凌雲集

賜宴宸遊菊泛觴群臣連袖賀重陽神泉分得酈村水睿筵延年花有祥

廣庭酒菊

見懷風藻

蕃客之筵左相家群僚送別競文華今宵瀝露一盃

菊明白任風千里

忠臣夜菊

見雜言奉和之內殘菊會

自是君王恩澤覃數枝殘菊露猶冷叢中金氣望無取揚亦應知杜不貪

直方銀菊

同前

東籬餘色拾殘英添得君臣唱和情葉葉枝枝承露白落星樓外假銀城

實賴欄菊

見新撰朗詠

休說山房楊柳欄任他梨雪映東欄延齡祝祝君臣

樂恩露結盟霜菊欄

廣俊黃菊

見階賞詞葉

身如秋色一枝殘籬菊移光蒼髮端花有黃裳元吉象老年寓意祝常盤

辛亥十月考詩畢小雅有所感託作絕句五章每

句用篇目字以示直民

其一

野鹿食苹來作呦池魚依藻躍猶游不知鼻鶴鳴何處鴻雁嗷嗷送晚秋

其二
藜我我亦廢篇章常棣枝枯空感傷欲唱楚茨修祀
事人言薄奠爾無羊

其三

春聞黃鳥集桑榆夏厭青蠅止棘榛花木丁丁欲求
友任他世上巧言人

其四

避世常吟幽谷風偶看豪富飾形弓我儕元是都人
士流水相俱小大東

其五

十月之交露結霜此時何草不玄黃光陰急似白駒
隙燈影小明縑縹緗

右五篇初一首述時候寓意二首追懷不忘遠也
三首四首共自叙而未首感時寓勸勵之意而第
其考
詩云

村顧言陪考詩席自國風起筆至畢小雅不敢
闕勤絕句一章為之證每句用小雅篇目字
魚麗隊隊睦同僚采菽供親夕又朝遊學東來瞻彼
洛汭流入海水雲遙

自庚戌孟春至辛亥孟冬考詩畢國風及小雅其間每席石習無不待側於是絕句一章用小雅篇目字以證其勤

池有嘉魚隰有桑綿蠻一曲鼓詩腸漸漸之石出遠瓠葉何時望故鄉

村止在考詩席運筆之勞超群國風小雅既畢絕句一章用小雅篇目字證其勤

孝子南陔思洛陽青青苑柳彼林塘白華管被墨朱涖露湛筆端千萬行

鶴丹侍考詩席執筆之勞一年有餘既畢小雅其間往還箕田不厭其勞絕句一章用小雅篇目字證之

朝赴南郊夕北山健行逸莫出車還何人斯在不勞倦露滴蓼蕭朱墨斑

頃間田橫侍考詩席有助筆之勤比畢小雅用其篇目字作一絕示之

耳聞四牡騁郊間眼見鴛鴦浴水灣南孰看臺西嶺下鴛其桑扈映林鸞

蘭贊

描出春蘭一朵黃靈均遺愛德光彰欲借君子結芳
契花似美人開麝囊

辛亥十月二十一日夜聽良清童子誦誦蒙求

三卷品題而作一絕且勸且勵

王戎資始至陳琳三卷一過誦誦吟五百九十餘品

目小春初唱小鶯音

辛亥十月廿四日曉風雨崇朝不止

風雨通宵烈不晴如呼如怒又如曾帳中變色屢驚

聽戶外起入難辨聲疑是波濤暴洶湧怪來雷震疾
奔轟無情草木遭天譴枝葉搖鳴撓不平

示加藤利正

屢問平安情不踈多年講席亦携書家兒好是傲其
志文字之勤力有餘

示孰徒

皆是他鄉萍水逢案頭連袂學專攻遠遊千里魚同
隊不識這中誰化龍

寄顯移湘軒
岡部内膳正
泉南茶亭額

泉南風景勝咫尺挽湘中縱是隔方域境佳無異同

寒潭印月

十一月十六夜於感休亭作

湛湛潭寒清不渾月波影泛印紋翻連光天水張長幅上掛圓規下押痕

絕句一章代簡謝執陽秦勝成遠寄深帷

千里海潮傳一帷書房展向几前垂池浮睡鴨黃將下園積寒花董不窺

冬至

六陰窮極一陽舒薄奠家儀不忽諸若識天人同理

趣要須克已復其初

孫子贊

中根平十郎求之

彼已能知廟美完如斯良將亦希者十三篇法藏方寸千里風雲楚膽寒

許由贊

平本氏乞之

泉流高響許由名箇志重分天下輕巖上棄瓢明月影阿誰拾得汲餘清

十一月二十七夕微雪及夜稍積

薄暮同雲花轉飛踈踈片片帶寒威孰徒須勵三餘

カ雪照書窓積自微

塾生安悅頹詩考運筆然前日示詩於其同僚
時有病漏其列今對雪起興補其闕云

征後昔聞歌米薇今宵坐見雪霏霏天工補白華
否不積當時束廣微

雪中聞塾生江良言點禮記示一絕

孫康照讀是精勤謝眺賦詞尤博聞雪點窓前須後
素研朱滴墨禮成文

對雪示塾生三設彼豫通書私考故含其意

一陽來復闢乾坤六出花先廿四番分得濂溪光霽
影半梅半雪向程門

雪中示塾生石直貞

入塾半歲光陰促一卷讀了一卷續案頭添得白雪
溝磨琢明石可成玉

和直民詠雪六言四韻

夜聽寒聲窅窅朝看素毳毳彼其爐點雖一此是
圭言復三蘇老臺高在北劉父車指於南餘論奈公
孫子不日堅白可談

雪後問高安成微恙

園林昨夜不堪寒，雪帶威稜。裊竹竿元是本根孤節，固一陽微暖早平安。

遊青白園賀新築

十二月七日
藤勿齋別墅

松栢青青四序均，帶霜侵雪色逾新。新亭有待陽春至，枝葉交花文質彬。

冬日牡丹

同席探六
藝得禮字

姚紅怪着殘臘底，數枝既與一陽啓。花王補冬官闕不先春，成文先進禮。

和板石牧紀行卷中二絕

并引

凡望山臨水則心廣，眼豁既去其境則心雖不恣，眼不能見是以紀行之作不能闕焉。辛亥仲冬板倉石牧遊鎌倉而其往也還也日記其事日吟其景以爲小冊子，价野宜卿請余一覽且曰其中小餘綾磯梅澤邑者伯父之米地也，賡其韻響則爲幸展閱之則叙其事下字不澁吟其景亦可以讀焉。乃是平生之習添江山之助乎。昔張千秋畫地圖被稱於當權，王延壽賦靈光以悅其父爲西東。

京之美談方今伯父有權有親則此冊子兼備千
秋延壽之聲價乎祝祝以期遠大而和其所請之
二絕清韻云爾

幾許歌仙過此磯恨遺詩律詠題稀疑看櫻影餘綾
錦淘汰波紋送客歸

右和小餘綾磯藤隆祐有小餘綾磯櫻花歌見
夫木俊歌集詩中追其餘意

去湘咫尺白雲堆欲訪西湖遺種梅梅澤留遊指金
澤一番風信暗香回

右和梅澤尋梅傳稱金澤後栽西湖梅
見梅花無盡藏故云爾

寄題象頭山六境山在讚岐國

左右櫻陣

吳隊二姬笑鄴宮千騎粧花顏誇國色列對護春王
後前竹圍

移得滑川畝湘孫貽厥多百千竿翠密本末葉森羅
前池躍魚

同隊泳其樂自無香餌投繞巖縱所往活潑圍洋攸
裏谷遊鹿

林賡樵子唱山對玉川眠凹處楚音少呦呦麋麋連

林群嶺松雪

尋常青蓋傾頃刻王龍橫棲鶴失其色滿山白髮生

同幽軒梅月

起指霽光開坐着踈影回高低同一色知否有香來

右六首想像彼境傲著題體其餘六境使男驚賦之

蓬股石賀瑋請之

石似蓬萊形勢張巨鼉拈躍白鵬翔柵中三萬里流

水一脉東溟左股長

雲濤石

同人請之

片石兩般模樣分高卑漠漠又沄沄長夫浩水一同

視雲接波濤濤入雲

日省

村顧言請之四言

日用之行夙夜之勤有餘力暇可以學文

題上論諺解後

逐卷補修先考解家傳貽厥換金篋十篇今愁竭微
力半部曾輸致太平不見山梁雌雉作唯聞戶壁唧
蟲鳴殘生若有數年假餘課請看堯日成

絕句一篇每句用論語字示林泰依其題諺解

之草也

學遊曾自遠方來日日成章猶欲裁他後須于子張
祿於今未仕漆雕開

島周頽論語諺解清晝授絕句一篇每句摘書
中語為其證

至穀猶勤有所期塾中朋友共德德服勞終日不違
我父母喜兮兄弟怡

絕句一章每句摘論語字授林櫛為其頽論語
諺解之證

侍坐學文餘力間誰譽誰毀塾中班升堂入室進無
止一簣何時為一山

五言小絕昇和堅童每句用論語字為頽諺解
之證

父母在借存遠遊有格言乘桴浮海至從我及儒門
宅強頽論語諺解每句用本書字昇仄韻小絕
斯人至自洛願學窺經閣幸近夫子牆亦悅而亦樂
仲龍起筆於孟子首章諺解其終編不可容易
先昇絕句一篇相共激勵

千里轍環鄒國公開明聖道致成功梁王問利對仁
義二七篇論括此中

寄題繼晷軒

前田松堅求之

陰壁推移惜寸分對窓倚几業精勤螢乾雪解有殘
課夜夜膏油繼夕曛

絕句一章賦職原事示高安成以勞其爲會通
之助而期不倦至終編

神祇太政卷開端中式省察隨次者自笑東人纂野
語洛雲千里問衣冠

歲暮叙事首尾吟

來年亦當如今年日日滌筆前池漣士嶺不改四時
色麗斑鵬羣映華顛考詩既至大雅二治鑑加點緇
晉編魯論諺解半部餘孟子首章資始焉選詩風雅
續補遺添得世說相共全餘暇或讀劉宋志又訂程
書刊本愆懇求難辭講通書職原說話同一筵神祇
太政及中式援引會通三百箋白氏舊訓雙本校公
私雜纂册册連新寫胡氏崇正辨彥明集亦得殘篇
有子有姪傳箕業教育孰庄三十負此中未知龍猪

化魚魚同隊蟻又蝶進則執筆侍南塾退而倚几頭
相駢詩律文賦可不可北塾批評共無指塾外門生
屢來訊晤語隨意轉欣然花月有興何必野任口吐
出景可憐短者不嫌四五七長累數百積超千不好
苦吟勞肺腑臆記諳誦出唇邊士林之招非所覓未
失交際有因緣愁聞幕府舊事實有時咨詢聊周
旋一能纔免素餐笑幸未被棄於當權憶昔先考登
庸後夙夜不懈侍御前苟得寸隙不釋卷七十餘
年一志專吾儕浴恩加食祿襜袍不寒腹便便曾無

咫尺侍讀務在私唯要家業傳慇懃說與子姪輩少
壯幾時歲月遷家藏牙籤千萬軸封侯難換蓋罽研
進退出處任時運鳶魚上下捐天淵人各有分不願
外樂在此中守彌堅老境猶有餘命在來年亦當如
今年

歲末所見聞口號十首

其一 權門

未明輿馬奔羣聚待開門使者往來鬧維有箇箇樽
其二 士林

年年有恒例，欲聽執政，召新叙五品，階陳粟三百俵。

其三 農

耕耨一年，苦僅餘來歲，苗縱然編戶，餓貢稅不曾饒。

其四 工

家家新席運，人人刀室節，濱弓羽子板，彫刻不弛力。

其五 商

高價求利欲，人或予借問，筭博士有餘耶，不足。

其六 僧

佛壇淨掃，煤墳墓不生，埃施物求無飽，日俟檀越來。

其七 浪士

出則談軍法，入而集徒弟，寄食送生涯，身乏一斗米。

其八 醫者

不論晝與夜，叩門往視疾，餘力調屠蘇，訖指待元日。

其九 詩歌者

年年舊題外，欲求新工製，宿構雖漸成，指天卜陰霽。

其十 自家

歲暮亦遮莫，春來何亦論，羌孫忘老至，不識外邊銀。

臘晦有感二首

有始有終終又始四時推轉古今同莫驚焉歲運急於
 箭知否百年亦一夢
 昔悲長子早歸根今喜嗣男生幼孫傳業有人無所
 願身如瓠繫僅猶存

我鳥峰先生林學士詩集卷第九十二 終

鵝峰先生林學士詩集卷第九十三

早東明集八 寬文十二年正月

士子元旦試毫

五十五年殘雪纂兒孫同席共團圓春風吹起 仲
 尼志少者懷仁老者安

和男贇元旦詩韻做三疊體

造化無私不負公三陽交泰降天衷明窓喚起鴛其
 羽者取黃裳文在中

一幅煙霞楮國中松蘇利對管城公春光描得百千

樣錯綜文章出寸衷

經自聖心曾折衷諸儒輔翼百家中海東不擇末流
細餘澤風温ナリ四聖公

姪憲和余元旦詩三首余亦和彼詩同其數

一夜韶光草際浮瞳瞳遲白煥城樓回春誰謂天無
口斗柄建寅張舌喉

袖海水消玉露浮高堆經閣又文樓園林雪宿窓梅
早芳潤同嘗共入喉

蓬萊盤上彩雲浮身裡風温十二樓新味試嘗藍尾

酒芳茶先潤玉川喉

漫摘殿中監源君忠房元旦俊歌尾字

春風闔國一同時細柳營邊指竹斯西海雲遙東海
浪花榮玉葉又金枝

和坂立壬子歲旦韻

花柳無私淑景鮮東方既白日麗天春風不改通家
好齡及乃翁初見年

和高安成元旦詩韻塾中一頁

並立門門兩箇松日華掩映蔭相重春風手裡縱橫

筆吟取房陵三朶峰

和賀璋元旦詩韻 二頁

餅羹適口當膏腴富貴浮雲何致癯北陸歸來南墩
下今春依舊不支吾

和村顧言元旦詩韻 三頁

載陽春晬面恰似飲醇醪來學忍岡列入陪邱殿高
中山新白兔幽谷嫩黃袍番信有遲速吟梅杏又桃

和林泰元朝詩韻 四頁

土嶺入窓池近臺雪消春水逐風來家兒舊臘受新

祿唐棣連枝花正開

和林欖元旦詩韻 五頁

眼豁常看暮又朝書窓雪宿富山椒前池冰解是如
鳥欲進仙人王子喬

和仲龍元旦詩韻 六頁

一身三世侍芸臺歲歲東風卷卷開草木縱然易新
舊寸丹不改幾春來

和田植元旦詩韻 七頁

送盡豬年迎鼠年一家穩坐共欣然耶溪佇立長松

下武野閑看雜草前

和島周元旦詩韻九頁

梅自清芳柳自輕春風和育得其平古來三統有公
華一定千年用夏正

和村止元旦詩韻十頁

忍岡隔水舊時家遠鳴花雲物色赧春去春來人不
見林塘咫尺鎖朝霞

和鶴丹元旦詩韻十一頁

一盞壽盃皮裡春身陪高第物華新晨昏膝下仁風

及水菽酬恩養老親

和井通元旦詩韻十二頁

年少若徒蛾子術春雲曳曳幸攀龍待看陽木新添
色雪解青山卓筆峰

和安悅元旦詩韻十三頁

送寒迎暖養斯軀遲日先昇東海陬書案莫嫌春夜
短雪殘添得敬侏儒

和森默元旦詩韻十四頁

温故知新一歲催春風先入手中盃黃鸝片片相依

否或在柳陰或在梅

和堅元旦詩韻 十五頁

齡踰成童志太奇遠遊千里擇師隨讀書餘暇長閑

日燕朵鶯柳可伴詩

和島立志元旦詩韻 十六頁

老椿祝壽獻酬盃庭砌梅磬相對開千里雲霞憶慈

母圓頭遙指故園萊

和施定元旦詩韻 十七頁

硯沼冰融一筆開敷手隨例試春盃相期野草芳菲

處戲蝶遊蜂相逐來

和宅強元朝詩韻 十八頁

今歲唔咿競去年守持此志可彌堅于飛黃鳥亦知

止灌木丘隅次第遷

和吉宗里元旦詩韻 十九頁

雪宿冰消野水濱彩霞瑞靄悉清新行看二十四番

信先試梅花一朵春

和江良言元旦詩韻 二十頁

三陽交泰一般春窻曙靜觀元氣真草木雲霞皆改

舊日讀書人亦盡求新

和谷良元旦詩韻二十一頁

不論山岳與江濱萬品千形物色新鳳曆先開遇鷄

旦鼠年虎月卷頭春

和三設元旦詩韻二十二頁

東風習習入西雍郊野雪消望遠峰記得櫻桃薦原

廟笑他封爵大夫松

彼舊年讀史記了了猶漢書故用二書故事

和石貞元旦詩韻二十三頁

明窓冰雪融桑若旭紅曠草木悉萌動古令月令同

右塾中二十三頁逐座次和之

但八頁石習今春在他鄉

和交野以仙童元旦詩韻頁外生

舉世皆逢元旦辰嫩梅稚柳一同新鶯聲亦有蒙求

唱永日讀書無負春

和平顯童元旦詩韻同

淑氣廣覃遐邇限春波學字曲江頭勾芒穿土草新

綠浸灌利根長泓流

和淺益元旦詩韻同

年後冬殘節未分和風先織彩霞紋屠穠祝祝父兄

在孝悌之餘宜學文

和原清童元旦詩韻

歲簇煙霞硯貯連小窓生白仰青夫八橋杜若芳塵
外來化芝蘭入室年

和堀貞元旦詩韻

滿目韶光無不新東風吹送馬蹄塵越山信坂武藏
野三處煙霞一色春

和糟正倫童元旦詩韻

梅在江兮藻在濱青青白白一望新迎年鷄狗豬羊

後牛馬人辰次第春

和楯吉明童元旦詩韻

資始一年元旦晨嫩梅已早柳將勻淑和不漏乾坤
裡有色有聲都是春

和平正治元旦詩韻

問字欣逢南塾春唔啞答鳥一聲新窓前殘雪繼韶
晷浴汝勉旃初學身

右八首和負外生

壬子正月一夜猫來繞帳外有感戲作

問猫何故在頭邊猫曰今宵鼠走椽定識歲神無作
祟戲毛圓眼護陳編

太公垂釣圖

森默為或人求之

海濱投老一絲篙任運行藏清操高意釣空鉤魚不
上畏不胸次有龍韜

古云尺璧非寶寸陰惟競

誠哉今年已八日如

一彈指作鷄狗猪羊牛馬人穀詩

何為期女日昧旦入城門一唱聲聲繼報時知午昏

右鷄日

雪殘日出晨四境吠信頻守夜盜潛迹待蒐欲逐魏

右狗日

突勢揮剛鬣肥肉不嫌臊宋祖降辰日太蘭王爵高

右猪日

初平曾一叱化石在金華鹽灌晉宮裡花香康節車

右羊日

日夕與羊拈象坤以配龍牧童乘犇草耕者引催農

右牛日

志馳千里速鞭策試其才若匪孫陽顧歷間混驥駘

右馬日

生於天地際鳥獸不同群本是具恒性賢愚清濁分
右人日

粒粒皆辛苦嘗艱祈有年先王亦無逸御手自耕田

右穀日

穀日除夜作側體四韻

年後八日春將來打豆聲中送殘臘如夢三百六旬
過屈指五十四齡匪負元萬古有終始乾坤元氣自
開闔尋常守夜為何事我憑書案跋紅蠟

壬子年後立春之明遊藤勿齋題柳風不寒作

五言排律倣著題體

繞塘春色暖綠髮似飄雲嫋嫋柔枝裊垂垂細縷芬
當門陶令植吹面邵雍醺青眼動無力麴塵揚有文
鶯嚶遷喚友鴉閃集成群好是淡輕日隨茲到夕曛

正月十三日南塾初宴二題

孟春朱詩

節奏今將太簇論古風遺韻徹吟魂鳴春木鐸認聲
得蘇李五言章四言

柳葉洙雲

濃雲嫩柳簇風光玉葉繞條春未央此洙渠耶渠深
此綠衣黃裡又青裳

壬子上元姪憲席探題賦劉向青藜

獨翫古典夕陽斜太乙夜遊窓有華火德將消漢宮
冷藜燈未入五侯家

同席探月移花影題得侍字

眼看霽色鼻嗅香仰俯何隔上下位長春苑遊夜增
明廣寒宮低天落地違顏咫尺登仙化身千億欲

常侍圓輪轉處枝相交逐光隨影不得睡

又得皇字

今宵清景不尋常花有文章月有光花影移春月天
子經天緯地四三皇

紅白梅同株接枝 正月晦高木氏席

一樹梅花兩色新艷紅清白似分春紅為文飾白為
質莫把光華忘本真

謝三浦老人病後惠北陸鱒三尾

年老病痊欣復初舊交問信意何踈為舍北土餘寒

氣千里負氷三雪魚

和奉加賀中將菅君詠蠟梅清韻

非白非紅梅一枝稀
看蠟色深成奇為花評品擬同
姓黃樣吟題黃九詩

便面詠櫻花二句書倭歌末石濂求之

花在本朝不斥名三春有約擅繁榮

鵝峰先生林學士詩集卷第九十三 終

鵝峰先生林學士詩集卷第九十四

東明集九

寬文十二年二月
至同年四月

壬子仲春上丁釋菜賦江陵杏花

自是緇帷春色同
維紅維白亦天工
江陵花裡絃歌響
傳趣倚蘭琴操中

又 以有同類而止之

杏花簇簇倚雲栽
地是江陵映水隈
長認孔壇遺愛
芭椰揄頃刻牡丹開

又 代人

白者如雲紅者霞作文進學屬韓家緇帷遺韻江陵
杏耳聽絃歌口咀華

柳偏東面釋菜後宴

柳色青青枝裊東輕煙斜泛淡分濃若教伯子來隨
此風亦不偏之謂中

壬子之春薩州老島津久通遠寄歲自詩求拙
和感舊好不渝乃應其請以為再會之信

春至東西同一時鶯聲喚起報人知和風無隔海雲
遠千里通潮信不運

堀少年正朴自京師寄歲旦詩依為奕世之通
家繼韻響以寓勸學之意

一團和氣至花笑漸開唇方術追尋古毫端回挽春
魚因冰解躍草待日温伸縱是雖宵短書燈可稍親

補白集傍訓作一絕以示田植

居易聲名千歲留遺文長是播蜻洲青衫變色墨痕
滴分得江州一派流

頃日口授賀璋新點元氏長慶集今日至第十
一卷讀花洞若耶溪句因想璋去歲赴若狹國

本朝先輩斥若狹爲若耶而口占一絕代話欄
以授之且爲點元集之證

去春若狹初遊歷滿目雲山幾詠題今讀微之長慶
集緬懷花洞若耶溪

緬懷或作復者

仲龍獨力握孟子諺解之筆漸積至二百餘葉
感其志之確作一絕以益勵之

竭力孜孜抄孟書成功難測幾居諸回頭不顧前池
雁唯見硯中於物魚

城下訪人不逢過待雪軒主人他適與子立談

移刻留一絕而歸

餅餌點心何必飽沙糖慰渴口猶甘客來不厭主翁
出却與阿戎相共談

送林泰歸省京師

離膝遠遊子七年雲水賒寸分陰壁惜長短夜燈斜
關塞追歸鷹暮煙伴宿鴉馬嘶千里路鞍卸六條家
到日省慈母終天憶老翁夢覺西堂草望迷東阜花
音容和且樂孝順思無邪猶有斷機警再來裁錦霞
先妣十七回忌辰

忌辰哀慕惱心肝立向墳前零露溥今日花描當日
雪感時濺淚霧中看先此臨終之日餘寒
兩雪今追懷云云

附林泰歸洛而古詩二十韻代傳語寄阿妹述
想像之情

我有一妹嫁在洛喪父喪母喪仲兄唯有老兄不堪
特愁繫仕官在武城昔別再逢又久別遙隔東西猶
互生我子我娘頻物故唯愛一男產孫嬰姪女二人
亦早世幸喜姪男漸長成酷憐阿妹無男自聞說女
兒既得甥人世有悲又有悅如同雲雨有陰晴去者

不歸淚無盡永訣無奈阻幽明存者契濶不相見十
七年來遠想情鳥可羨分魚可羨水陸千里不得行
嗚呼維昔侍膝下嚴誨慈愛養得精厚恩未報萬之
一徒承庇陰傳遺籙年去年來身既老霜鬢雪髮獨
自驚何當逢妹談往事悠悠蒼天望西京妹思我猶
我思妹茫茫長風顧東瀛泰也省母喬木下親族團
欒可歡迎彼常侍我知動靜妹聞彼談心稍平我有
官事有家務每遣書信或踈輕如今泰也丁寧語定
識吾儕平生誠泰也東歸可在近屈指期待傳遠聲

壬子三月三日

送樋正通歸京

家在西京路百千寓居東武十餘年到頭雖有蟪蛄
喜回顧兩鶯留柳邊

又戲送

兩地索居歸去遲春風有約馬蹄馳相逢莫厭形容
老壯氣高談勝舊時

平師儉雅集二題序

平恭師儉與余相識已有年舊臘携其家督宣浚

明及隸婿清簡李敬扣余忍岡塾門殊修師資之
儀自非好學之志厚則何可如此哉今茲壬子李
春初四莫慇懃招余設饗彌堅其約且鋪雅筵請
詩題乃共賦花柳無私又探春題十六件各各詠
吟之嗚呼花也柳也年年不負春蓋是萬物自得
之公共底古今不易之理也人間交際有始有終
而無私不變亦如斯乎餘題之微意寓於此若其
各題則感時觸物寄一座之興而已弘文學士林
斐序

花柳無私

尋花還問柳到處境皆佳枝動春生眼香輕風入懷
綠圍前後苑紅簇北南街色色入公共化工不打乖

梅邊讀易

春色入梅芳且鮮明窓終日對韋編枝分南北有遲
速花似先天與後天

忍岡春遊賦花下忘歸四韻呈勿齋藤君

風度春光好滿蹊皆是花絲雲懸白日銀雪飾紅霞
井不投陳轄園猶停邵車鶯梭經緯織時又點昏鴉

三月十五日

壬子暮春十九日源匠作君牛籠墅分賦園中群

櫻余得其二

弓場櫻

太平春色滿園櫻講武場中枝不鳴花似銀弓飾金
鏃風聲弦響鳥猶驚

淺黃櫻

淡白梨雲不足云碧桃和露也曾聞一株櫻勝嫩黃
柳淺淺著花春色分

同日謝佳招呈主人

盛筵想得舊遊陳，雨霽日溫韶景新。
野鳥幸遭風信引，花添喜色約千春。

同日依田中氏之求和中根正興俊歌未字

仁澤不漏雨露養，十分花開物色壯。
移得吉野八重春，絕勝桃源三級浪。

題山本道句茶店并序

山本道句繼其父之技，勤點茶之事，拜趨管中營中久矣。其名亦被知於人，明曆丁酉之春，大火其宅。

亦罹災城下，貴賤紛擾各不省其所業。道句速構小店，催真率之茶會，招客者數矣。故若狹少將源忠勝朝臣聞之，奇事其事而寄狀，感有古人之風。道句裝潢之以為家珍，每客來乃掛之於茶寮之床。既經十六年，是以人人徧見之。今年壬子三月十日，為余開筵，示彼狀，請一語以為之證。余曾聞少將語此事，且與道句二世相遇，又聞今執政世喜宿拾遺亦勸之，故不能辭之。乃記其來由如右。五言小絕一首謝其一會云。

爐暖吸芳茗庭清絕點塵包春花入手鳥與主人馴
詩考北及周商之頌姪憲侍側粗助余勞既而終
篇呈仄體古詩賀之每句摘三百篇中之語一覽
而返之歷日偶得閑暇乃用頌中之字作古體五
章報之以寓勸學之意

其一

玄鳥既降維莫之春似祖續父續古之人

其二

厭厭學苗如播百穀稼穡匪解于夜于夙

其三

既勤於繹讀書桓撥大部小部是受是達

其四

載用有嗣前人不怠維博維約日就月將

其五

敬之敬之以保其身克定厥家無射於人

壬子三月二十八日應源尚舍君之招遊箕田壯

丹叢把其形色十品為題探闡賦之

濃紅牡丹

簇簇連天五緯煌燭雲連朵煥朝陽花王富貴漢玉
瑞紅葉重光火德香

曹牡丹

好是牡丹叢裡遊細看一種似堯釜孟明曾向周門
免著得花王風陣頭

四月五日應會津中將之招遊箕田廣園

一園群物萬殊分風穩池清絕俗氛綠樹作經雲作
緯靜觀天地自然文

同日賦園中白紫二藤花

連架藤花分兩株蔓長垂地影交敷紫英亦傲白英
正文質彬彬不奪朱

詩考竟宴序

凡撰書竟功催宴賀之者本朝之例也余考詩
宗宋傳抄出典故演繹解義別纂異聞起筆於庚
戌孟春脫藁於壬子季春都五十二卷其間男驚
精勤之助許多塾生預事運筆之勞許多姪憲及
塾外之輩亦時時會焉跋文既備矣其卷之埤其
成之速可以悅焉可以樂焉悅樂之餘催宴而賀

之乃據陸璣疏之次而舉草木鳥獸魚蟲百三十
三題會門人及塾徒分配之詠吟之其悅不獨其
樂不獨而賀亦不獨與衆同悅與衆同樂與衆同
賀則衆亦何莫學夫詩哉今日之一宴多識其名
而感志意可以興考得失可以觀則人倫之教亦
可推而盡乎於是自笑曰學習之功猶築宮而成
則擬燕雀之賀乎滿座或曰鳴鶴在陰其子和之
或曰陰陰夏木嘯黃鸝衆禽和鳴添百喜之聲或
曰斯時斯景以遊以遨維酒維肴不醉無歸或曰

吟哦同音以雅以南或歌棠棣之詩曰兄弟既翕
和樂且湛或歌伐木之詩曰矧伊人矣不求友生
或曰可以群而足矣長日向暮和而不流於是或
曰學而不厭誨而不倦塾主之謂乎塾主答曰樂
以忘憂不知老之將至云爾寬文壬子孟夏初七
日塾主學士林叟序

左秉蘭 鄭風溱洧

溱洧地寬春色闌秉花士女往遊觀誰知精氣託幽
夢有國其香鄭伯蘭

言米其莫魏風汾沮洳

阿誰米莫傍汾行輶輶路車聽者驚淡味不嫌生下
濕誤充顯貴大夫羹

梓椅梧桐鄘風定之方中

衛國良材某地生為琴為瑟雅聲鳴椅兼桐梓同中
異木部王耶木部榮

唐棣之華召南何彼穠矣

唐棣之華有美姿彼穠與得此王姬逸餘猶載魯論
裡思爾偏反室遠而

鳳凰于飛大雅卷阿

縱是高岡何必臻朝陽自出海東濱于飛翾翾岐山
上人待鳳兮鳳待人

麟之趾周南

馬蹄牛毛又麇身比興振振公子仁西伯成祥仲尼
嘆周家盛廢在于麟

魚麗于留鱗鱗小雅

躍如麗留列盤盂待得賓筵酒食需曾是解飛張口
者須思君子遠庖厨

嘒嘒草蟲

召南草蟲
小雅出車

一於小雅一於風行役守家聞草蟲將帥大夫雖與
等嘒嘒入耳感憂同

蜉蝣之羽

曹風

逝莫衣裳楚楚鮮朝榮暮辱不終年龜齡鶴筮有時
盡樂否蜉蝣羽振天

伊威在室

豳風東山

于役不歸家室荒手忘箕箒擲無揚思人何厭塵埃
簾附與伊威自主張

胡爲虺蜴

小雅正月

人如虺蜴毒斯民踏地躅天難免身匪管衰周若可
政幽王後有虎狼秦

以上十一首

鶴峰先生林學士詩集卷第九十四

終

